



PREDMET "ELIPSA" ULAZI U ZAVRŠNU FAZU

Iz laktaške "Kaldere" izuzeta dokumentacija zbog porezne utaje

Akcija "Panama" počela je 2011. godine kada je u Bosni i Hercegovini uhapšen Ivica Ćuk, "kralj kafe" iz Hercegovine, a kasnije i njegov brat Damir

Inspektori Agencije za istrage i zaštitu BiH (SIPA) pretresli su jučer prostori je kompanije "Kaldera" u Laktašima, koja je u vlasništvu Milenka Čičića, odakle su izuzeli određenu dokumentaciju.

Čičić je blizak prijatelj predsjednika RS-a i SNSD-a Milorada Dodika. U Čičićevom hotelu Kaldera Dodik često odsjeda i održava sastanke sa političkim funkcionerima i ljudima iz svijeta biznisa.

Nastavak akcije

Pretres je obavljen u okviru akcije „Panama“, odnosno starog tužilačkog predmeta pod kodnim nazivom „Elipsa“, a koji se sprovode već pet godina i imaju za cilj otkrivanje krivičnih djela utaje poreza.

U istražnim organima za

Faktor su potvrdili ove navode, a u SIPA-i dodali da se akcija sprovodi po nalogu Suda BiH i Tužilaštva BiH.

Državna agencija za istrage i zaštitu (SIPA) postupa po naredbama Suda BiH i Tužilaštva BiH za izuzimanje određene dokumentacije od više pravnih osoba na širem području BiH. Radi se o aktivnostima u okviru predmeta kodnog naziva „Panama“ koji je realizovan u proteklom periodu zbog krivičnog djela porezna utaja. Dakle, radi se o nastavku aktivnosti koje se odnose na veći broj kompanija – kazala je za Faktor portparolka SIPA-e Kristina Jozić.

U Tužilaštvu BiH za naš list je potvrđeno da su u pitanju aktivnosti iz starog predmeta,



MILENKO ČIČIĆ

Hotel Kaldera u Laktašima

poznatog kao „Elipsa“, koji se odnosi na organizovani kriminal i organizovane utaje PDV-a u velikim iznosima, a odnosi se na veći broj pravnih osoba.

„Kralj kafe“

Istraga u predmetu ulazi u završnu fazu, pa su naredene još neke aktivnosti i pretresi. Uglavnom, podvlačim da se na predmetu radi već duže vrijeme – naglasio je portparol

Tužilaštva BiH Boris Grubešić.

Akcija "Panama" počela je 2011. godine kada je u BiH uhapšen Ivica Ćuk, "kralj kafe" iz Hercegovine, a kasnije i njegov brat Damir. U martu 2013. godine zbog sumnji u malverzacije u vezi s uvozom kafe uhapšeno je 13 carinika. Istragom je utvrđeno da je kafa prilikom uvoznog carinjenja deklarirana kao soja ili glina, a kako bi se izbjeglo plaćanje

PRESUDA

Novčane kazne

Neke od aktivnosti u okviru akcije „Panama“ dobile su i sudski epilog. Početkom ove godine braća Ivica i Damir Ćuk osuđeni su na kazne zatvora od po četiri godine i novčanu kaznu od 80.000 KM. Sud BiH je njihovoj firmi „Elipsa“ izrekao kaznu od 100.000 KM i oduzimanje protivpravno stečene imovinske koristi u iznosu od oko 755.000 KM.

obaveza. Budžet BiH je na taj način oštećen za desetak miliona maraka. B. SPAŠENIĆ

TUŽILAŠTVO BiH

Čičić saslušan u februaru

Vlasnik "Kaldera" Milenko Čičić, koji se RS-u često karakteriše kao "kontroverzni biznismen", saslušan je u Tužilaštvu BiH početkom februara ove godine, ali on tada nije želio komentarisati zbog čega je bio pozvan na razgovor niti iznositi bilo kakve detalje. Čičić je učestvovao u brojnim vrijednim građevinskim poslovima u RS-u.